

նը՝ քաղաքապետ, իսկ գլխինը՝ քեօֆլայ (շժա) :

Հայաստանի զինուորական, դատական եւ նոյնիսկ եկեղեցական բաժանումներն էլ — պէտք է ենթադրել — համապատասխանում են վարչական յիշեալ բաժանումներին : Մասամբ այդ նպատակով է անշուշտ, որ Շահամիր եանը վերականգնում է քոր-եպիսկոպոսների կամ դաւառական եպիսկոպոսների պաշտօնը, որ վաղուց արդէն վերացած էր մեր եկեղեցումէջ : օրինակ, եկեղեցում աղմկող կամ անկարգութիւն անող հոգեւորականին նա յանձնում է գաւառի եպիսկոպոսի դատին (յկ) :

Այսպիսով իւրաքանչիւր նահանգական քաղաքում, բացի եկեղեցական իշխանութիւնից, գտնուում են հետեւեալ 4 «Ճայրադոյն իշխանները» — նահանգապետը կամ իշխանը, բերդապետը, զինուորական պետը եւ մայր դատաւորը (շժը) :

Որովհետեւ, ըստ հեղինակի, չտիպանց կարելոր է նահանգապետի կամ իշխանի պաշտօնը, ուստի աւելորդ չենք համարում մի քիչ աւելի ծանօթութիւն տալ նրա մասին :

Իշխանը ընտրուում է Ազգ. ժողովում եւ նրա անդամներից, 3 տարի ժամանակով : Ամբողջ Հայաստանի համար ընտրուում է 60 իշխան (իը), որից պէտք է ենթադրել, որ երկիրը բաժանուում է ոչ թէ 20 նահանգի — ինչպէս այդ տեսնում ենք «Յորդորակի» մէջ — այլ 60 : Կամ գուցէ իւրաքանչիւր նահանգը բաժանուում է 3 մասի, որոնցից իւրաքանչիւրը նոյնպէս նահանգ կամ աշխարհ է կոչուում հեղինակը :

Իշխանը կառավարում է իրեն յանձնուած նահանգը երեք խորհրդակիցներով, որոնց ընտրում է ինքը նահանգի ազգաբնակչութեան միջից : Նա է նշանակում իր գաւառապետներին, քաղաքապետներին եւ գիւղապետներին : Նրան են ենթարկուում նահանգի բոլոր իշխանութիւնները, անգամ կառավարական կողմ-գիւնների այն անդամները, որոնք գտնուում են նրա նահանգում : Նրան է ենթարկուում զօրքը, որը թէեւ ունի իր առանձին զօրագլուխը (եկդ) : Նոյնիսկ դատարանը, որ ըստ Շահամիրեանի՝ շատ մեծ իրաւունքներ է վայելում, նա եւս ենթակայ է իշխանին . այսպէս, քրէա-

կան դատերի ժամանակ իշխանը դատարանում բազմում է ամենապատուաւոր տեղում եւ որպէս դատարանի գերագոյն նախագահ, ինքն է կարգում դատապէճիւրը (շէ) :

Կարծ. իշխանը նահանգում նոյն իրաւունքներն ու լիազօրութիւններն է վայելում, ինչ որ հանր. նախագահը ամբողջ երկրում . «Ամենայն իշխան ի վերայ քաղաքաց ընդ երեսս բոլոր վիճակի իւրոյ ունիցի զօրութիւն իրբեւ նախարարութեան» (դթ) :

Այդ մասին աւելի լրիւ գաղափար տալու համար բերենք քաղուածօրէն իշխանի ընտրութեան եւ վաւերացման հրովարտակը .—

«Ընտրեցինք քեզ իշխան Երեւան մայրաքաղաքի եւ Արարատեան աշխարհի, երեք տարի ժամանակով : Քեզ իրաւունք տուինք ընտրելու Արարատեան աշխարհից երեք օրէնսգէտ մարդիկ քեզ խորհրդակիցներ, երեք տարի ժամանակով, քիչ հետ միասին Արարատեան երկիրը կառավարելու համար : Քեզ իրաւունք տուինք գաւառապետութեան եւ գիւղապետութեան իշխանութիւն տալու Երեւանի ամբողջ վիճակում :

«Պատուիրում ենք քեզ՝ քաղցրութեամբ հաւաքել օրէնքով սահմանուած հարկը, մաքսը, հասը, բաժինը Արարատեան աշխարհից եւ մտցնել հայոց տան դանձարանն ու շտեմարանը : Պատուիրում ենք քեզ Երեւանեան վիճակի գանձարանից ամսէ-ամիս հատուցանել քեզ յանձնուած նահանգի զօրքի ու զօրապետների ուժիկները :

«Քեզ իշխանութիւն տուինք պահելու բոլոր գաւառներում վարպետներ, որ տղաներին ու աղջիկներին դրել-կարդալ սովորեցնեն «հայոց տառին եւ բառին», ինչպէս եւ զինուորութեան արհեստը տղաներին սովորեցնելու :

«Պատուիրում ենք քեզ, որ հացով լցնես մեր շտեմարանները՝ նահանգիդ ազգաբնակչութեան երկու տարուան պաշարի համար :

«Պատուիրում ենք քեզ, տարուան չորս եղանակներին ներկայացնել Ազգ. ժողովին նահանգիդ մուտքի եւ ելքի հաշիւը, Ինչպէս եւ համարը բոլոր ծնածների ու մեռածների, նոյնը ներկայացնելով եւս մի անգամ տարուան վերջին :

«Քեզ իշխանութիւն տուինք աքսորելու